

程

權載之文集卷之四

詩

奉送韋起居老舅百日假滿歸嵩陽舊居

威鳳翔紫氣孤雲出寥天奇采與幽姿縹緲皆
自然嘗聞陶唐氏亦有巢由全以茲聳風俗豈
必効羈牽大君遂群方左史蹈前賢振衣去朝
市賜告歸林泉滑和固難久循性得所便有名
皆畏途無事乃真筌舊壑窮杳窅新潭漾淪漣

富花落又開山月缺復圓輕策逗蘿徑幅巾凌
翠烟機閑魚鳥狎體和芝木鮮四皓本遠難二
踈猶待年况今寰海清復此鬢髮玄碩慙纓上
塵未絕區中緣齊竿終自退心寄嵩峯巔

奉送孔十兄賓客承恩致政歸東都舊

居

達人曠迹通出處每憶安居舊山去乞身已見
抗䟽頻優禮新聞詔書許家法遙傳闕里訓心
源早遂蒿丘侶南史編年著盛名東朝侍講常

虛佇角巾華髮忽自遂命服金龜君更與白雲
出岫暫透迤鴻鵠入冥無處所歸路依依童稚
樂都門藹藹壺觴舉能將此道助皇風自可殊
途並伊呂

送密秀才吏部駁放後歸蜀應崔大理
序

蜀國本多士雄文似相如之子西南秀名在賢
能書薄祿且未及故山念歸歟迢迢三千里返
駕一羸車玉壘長路盡錦江春物餘此行無愠

色知尔戀林廬

送袁中丞持節冊南詔五韻

淨字

西南使星去遠徹通朝聘烟雨楚道深麾幢漢
儀盛途輕五尺嶮水愛雙流淨上國洽恩波外
臣遵禮命離堂駐駟馭且盡罇中聖

人日送房二十六侍御歸越

驛騎歸時駢馬蹄蓮花府映若耶溪帝城入日
風光早不惜離堂醉似泥

送張閣老中丞持節冊吊回鶻

旌旆翩翩擁漢官君行常得遠人歡分職南臺
知禮重輟書東觀見才難金章玉節鳴騶遠白
草黃雲出塞寒欲散別愁唯有醉暫煩賓從駐
征鞍

送二十叔赴任餘杭尉

琴字

拜首直城陰罇開意不任梅仙歸劇縣阮巷奏
離琴春草吳門綠秋濤浙水深十年曾旅寓應
愜宦遊心

奉送十四叔赴任渝州錄事絕句

中字

隨牒忽離南北巷解中都吏有清風巴城鑲印
六聯靜盡日閑謠解署中

送韋十二文赴襄城令三韻 柳字

留連出關騎斟酌臨岐酒舊業傳一經新官裁
五柳去去望行塵青門重迴首

送薛十九文授將作主簿分司東都賦

得春草

芊芊遠郊外杳杳春崑曲愁處映微波望中連
靜綠日暮藉離觴折芳心斷續

送正字十九兄歸江東醉後絕句

命駕相思不為名春風歸騎出關程離堂莫起
臨岐歎文舉終當薦祢衡

送張詹事致政歸嵩山舊隱 青字

解龜辭漢庭却憶少微星直指常持憲平反更
恤刑閑思紫芝侶歸卧白雲扃明詔優筋力安
車適性靈群公來藹藹獨鶴去冥冥想到揮金
處嵩吟枕上青

送許著作分司東都

月旦繼平輿風流仕石渠分曹向灑洛守職正
圖書棣華榮相映瓊枝色不如賓朋爭漉酒徒
御待巾車異日始離抱維思烹鯉魚

送少清赴潤州參軍因思練舊居 得想字

二紀樂簞瓢烟霞暮與朝因君宦遊去記得春
江潮遠別更搔首初官方折腰青門望離袂魂
為阿連銷

送濬上人歸揚州禪智寺

嘉露宗通法已傳麻衣節杖去悠然揚州後學

應相待遙想幡花古寺前

獻歲送李十兄赴黔中酒後絕句

一罇歲酒且留歡三峽黔江去路難志士感恩
無遠近異時應戴惠文冠

送張僕射朝見畢歸鎮

青光照目青門曙玉勒珂戈擁駟馭東方連帥
南陽公文武吉甫如古風獨奉新恩來謁帝感
深更見歌詩麗共看三接欲為林却念百城同
望歲雙旌去去戀儲胥歸路鶯花伴隼旗今日

漢庭求上略留侯自有一編書

送韋行軍負外赴河陽

五代武弁侍明光輟佐中權拜外郎記事還同
楚倚相傳經遠自漢扶陽離堂處處羅簪組東
望河橋杜鞞鼓三城曉角啓軒門一縣繁花照
蓮府上略儒風並者稀翩翩騶騎有光輝只今
右職多虛位應待他時伏奏歸

送韋中丞奉使新羅

姓字

淳化洽聲明殊方均惠養計書重譯至錫命雙

旌往星辭北極遠水泛東溟廣斗柄辯霄程天
琛宜晝賞孤光洲島迥淨綠烟霞敞展禮盛實
徒交歡覲君長經途勞視聽愴別紫夢想延頸
旬歲期新恩在歸鞅

送從翁赴任長子縣令

家風本鉅儒吏職化雙鳧啓事才方愜臨人政
自殊地雄韓上黨秩此魯中都拜首春郊夕離
盃莫向隅

送從弟廣東歸絕句

夏雲如火鑠晨輝
款段羸車整素衣
知爾業成還出谷
今朝莫捨斷行飛

送王練師赴玉屋洞

稔歲在芝田
歸程入洞天
白雲辭上國
青鳥會群仙
自以棊銷日
寧資藥駐年
相看話離合
風馭忽泠然

送薛溫州驚字

昨日饋連營
今來刺列城
方期建禮直
忽訪永嘉程
邵內裁詩暇
樓中遲客情
憑君減千騎
莫

遣海鷗驚

送黔中裴中丞閣老赴任廻字

五諫留中禁
雙旌轍上才
內臣持鳳詔
天廐錫龍媒
宴語睽蘭室
輝榮亞柏臺
懷黃宜命服
舉白歎離杯
景霽山川迥
風清霧露開
辰溪分浩淼
楚道接縈迴
勝理環中得
殊琛徼外來
行看旬歲詔
傳慶在公台

送崔諭德致政東歸

天子坐法宮
詔書下江東
懿此嘉遯士
蒲車赴

丘中褐衣入承明朴略多古風直道侍太子昌
言沃宸聰崑居四十年心與鷗鳥同一朝受恩
澤自說如池龍乞骸歸故山累疏明深衷大君
不奪志命錫忽以宗旭旦出國門輕裝若秋蓬
家依白雲嶠手植丹桂藂竹齋引寒泉霞月相
玲瓏曠然解赤綬去逐冥冥鴻

送三十叔赴任晉陵

心字德輿舊居在丹陽去晉陵百里

春雲結暮陰侍坐捧離襟黃綬輕裝去青門芳
草深十年塵右職三逕寄遐心便道停撓處應

過舊竹林

送安南裴都護

忽佩交州印初辭列宿文莫言方任遠且貴主
憂分迥轉朱鳶路連飛翠羽群戈船航漲海旌
旆卷炎雲絕徼塞帷識名香夾轂焚懷涖通北
戶長養洽南薰暫歡同心阻行看異績聞歸時
無所欲意或煩君

送別院汎

念爾強學殖非貫早從師温温稟義方慥慥習

書詩計借來上國宴喜方怡怡經術既脩明藝
文亦歲蕤伊予諒無取瑣質荷鴻慈偶來貳儀
曹量力何可支廢業固相受避嫌誠自私徇吾
刺促心踈爾康莊姿古人貴直道內訟乖坦夷
用茲處大官無乃玷清時羸車出門去悵望交
涕洟琢磨貴分陰歲月若飈馳千里起足下豐
年繫鎡鏃苟令志氣堅佇見纓珮隨斑斕五綵
服前路春物熙舊遊憶江南環堵留蓬茨湖水
白於練尊羨細若絲別來十三年夢寐時見之

寵榮忽踰量荏苒不自知晨興愧華簪止足為
靈龜遐路各自愛大來行可期青冥在目前努
力調羽儀

送工部張曹長大夫奉使西蕃

殊隣覆露同奉使小司空西候車徒出南臺節
印雄弔祠將渥命導驛暢皇風故地山河在新
恩玉帛通塞雲凝廢壘關月照驚蓬青史書歸
日翻輕五利功

九華觀宴餞崔十七叔判官赴義武幕

蘇軾詩集卷四
九
兼呈書記蕭校書

炎光三伏晝洞府宜幽步宿雨潤芝田鮮風搖
桂樹陰陰臺殿敞靡靡軒車駐晚酌臨水情晨
裝出關路偏榮本郡辟倍感元臣遇記室有門
人因君達書素

送文暢上人東遊

桑門許辯才外學接宗雷護法麻衣淨翻經具
葉開宗通知不染妄想自堪哀或結西方社師
遊早晚廻

送靈武范司空

上略在安邊吳鉤結束鮮三公臨石地七萃擁
中堅舊壘銷烽火新營辯井泉伐謀師以律賈
勇士爭先塞迥晴看月沙平遠際天榮薰知屈
指應在盛秋前

送商州杜中丞赴任

安康地里接商於帝命專城摠賦輿夕拜忽辭
青瑣闥晨裝獨捧紫泥書深山古驛分騶騎芳
草閑雲逐隼旗綺皓清風千古在因君一為謝

巖居

送殷卿罷舉歸淮南舊居

計偕十上竟無成
忽憶崑居便獨行
志業嘗探絕編義
風塵虛作弃繻生
歲儲應歎山田薄
里社時逢野醞青
惆悵中年群從少
相看欲別倍關情

權文公文集卷第四

權文公文集卷第五

雜詩

送杜尹赴東都

商於留異績
河洛賀新遷
朝選吳公守
時權杜尹賢
如綸披鳳詔
出匣淬龍泉
風雨交中土
簪裾敞別筵
清明入比玉
照灼府如蓮
佇報司州政
徵黃似潁川

送孔江州

九派尋陽郡
分明似畫圖
秋光連瀑布
晴翠辨

香鑪才子猷蘭省邦君榮竹符江城多暇日能
寄八行無

送渾鄧州

年少守南陽新恩印綬光輕軒出繞雷利刃發
十將風勁初下葉雲寒方護霜想君行縣處露
冕菊潭香

埔橋達奚四于十九陳大三侍御夜宴

叙各賦二韻

滿樹鐵冠瓊樹枝罇前燭下心相知明朝又與

白雲遠自古河梁多別離

酬別蔡十二見贈

伊人茂天爵恬澹臥郊園傲世方隱几說經久
顓門浩歌曳柴車詎羨丹轂尊嚴霜被鷄衣不
知孤白溫游心義文際愛我相討論黃汗忽朝
宗傳騎令載奔崢嶸歲陰晚愀愴離念繁別館
絲桐清寒郊煙雨昏中飲見逸氣縱談窮化元
佇見公車起聖代待乞言

揚州與丁山人別

將軍易道令威仙華髮清談得此賢惆悵今朝
廣陵別遼東後會復何年

送台州崔錄事

不嫌臨海遠微祿代躬耕古郡紀綱職扁舟山
水程詩因琪樹麗心與瀑泉清盛府知音在何
時薦政成

送信安劉少府

自常州參
軍選授

相看結離念盡此林中祿夷代輕遠遊上才隨
薄祿參鄉滯孫楚隱市同梅福吏散時泛絃賓

來閑覆局襟情無俗慮談笑成逸躅此路足灘
聲羨君多水宿

送李城門罷官歸嵩陽

城門院在
遺補院東

與君相識處吏隱在墻東啓閉千門靜逢迎兩
掖通罷官多暇日肄業有儒風歸去塵寰外春
山桂樹叢

送上虞丞

越郡佳山水菁江接上虞計程航一葦試吏依
雙鳧雲壑窺仙籍風謠驗地岡因尋黃絹字為

我弔曹盱

送盧評事夔州省覲

知向東陽去晨裝見綵衣客愁青眼別家喜玉
人歸漠漠水烟晚蕭蕭楓葉飛雙溪泊船處候
吏拜胡威

送崔端公郎君入京覲省

已見風姿美仍聞藝業勤清秋上國路白晳少
年人帶月輕帆疾迎霜綵服新過庭若有問一
為說漳濱

送張周二秀才謁宣州薛侍郎

儒衣兩少年春棹轂溪船湖月供詩興風嵐費
酒錢上帆涵浦岸歌枕傲晴天不用愁羈旅宣
城太守賢

送張將軍歸東都舊業

功名不復求舊業向東周白草辭邊騎青門別
故侯摧殘寶劔折羸病綠珠愁日暮寒風起猶
疑入漠秋

送句容王少府簿領赴上都

上國路綿綿行人候曉天離亭綠綺奏鄉樹白
雲連江露濕征袂山鷺宜泊船春風若為別相
顧起樽前

送從弟謁員外叔父迴歸義興

異鄉兄弟少見爾自依然來酌林中酒去耕湖
上田何朝逢暑雨幾夜泊漁煙餘力當勤學成
名貴少年

送梁道士謁壽州崔大夫

年少一僊官清羸駕綵鸞洞宮雲渺渺花路水

漫漫歲計芝田熟晨裝月帔寒遙知小山桂五
馬待邀歡

送鄭秀才貢舉

西笑意如何知隨貢舉科吟詩向月露驅馬出
烟蘿晚色平蕪遠秋聲候鴈多自怜歸未得相
送一勞歌

送謝孝廉移家越州

家承晉太傅身慕魯諸生又見一帆去共愁千
里程沙平古樹迥潮滿曉江晴從此幽深去無

妨隱姓名

送韓孝廉侍從赴舉

貢士去翩翩如君最少年
綵衣行不廢儒服代
相傳曉月經淮路繁陰過楚天
清談遇知己應
訪孝廉船

送陸拾遺祇召赴行在

鶴鷺承新命翻飛入漢庭
歌詩能合雅獻納每
論經月曉蜀江迥猿啼楚樹青
幸因焚草暇書
札訪沉冥

送暎師歸本寺

還歸柳寺去遠遠出人群
苔甃桐華落山窻桂
樹薰引泉通絕澗放鸛入孤雲
壑許宗雷到清
談不易聞

送宇文文府赴官

送君當歲暮斟酒破離顏
車騎擁寒水雪雲凝
遠山且安黃綬屈莫羨白鷗閑
從此圖南路青
雲步武間

送岳州溫錄事赴任

解巾州主簿捧激不辭遙獨鶴九霄翼寒松百
尺條晨裝沾雨雪旅宿候風潮為政閑無事清
談肅郡僚

送山人歸舊隱

工為楚辭賦更著魯衣冠歲儉山田薄秋深晨
服寒代人榮鸞領志士戀漁竿會被公車薦知
君久晦難

惠上人房宴別

方袍相引到龍花支策開襟路不賒法味已同

香積會禮容疑在少施家逸民羽客期皆至疎
竹青苔景半斜究竟相依何處好匡山古社足
煙霞

送裴秀才貢舉

儒依風自清去抵漢公卿貢貢年猶少篇章藝
已成臨流惜暮景話別起鄉情離酌不辭醉西
江春草生

送遠太祝衢婺巡覆

同扇山字

校緡稅畝不妨閑清興自隨魚鳥間知君此去

足佳句路出桐溪千萬山

送湖南李侍御赴本使賦採菱亭詩

舊俗採菱處津亭風景和沅江收暮鵲楚女發
清歌曲岸縈緗葉荒堦上白波蘭橈向蓮府一
為枉帆過

送穆侍御歸東都

知君儒服貴絲繡兩相輝婉婉成名後翩翩擁
傳歸江深煙嶼沒山暗雨雲飛共待酬恩罷相
將去息機

送崔端公赴度支江陵院三韻 照字

津高風雪霽斗酒留征棹星傳指湘江瑤琴多
楚調偏愁欲別處黯黯顏陽照

送陸太祝赴湖南幕同用送字 三韻

不憚征路遙定緣賓禮重新知折柳贈舊侶乘
藍送此去嘉句多楓江接雲夢

送李處士歸弋陽山居 限姓名
中用韻

斲來城市意何如却憶葛陽溪上居不憚薄田
輸井稅自將嘉句著州閭波翻極浦檣竿出霜

落秋郊樹影踈想到家山無俗侶逢迎只是坐
藍輿

送清汶上人謁信州陸員外

暫辭長老去隨緣候曉輕裝寄客船佳句已齊
康寶月清談遠指謝臨川灘經水瀨逢新雪路
過漁潭宿暝煙暇日若隨千騎出南巖只在郡
樓前

送別同用閣字 三韻

耿耿離念繁蕭蕭涼葉脫緇塵素衣弊風露秋
江閣想得讀書窓巖花對巾褐

送人使之江陵 賞字

嘉招不辭遠捧檄利攸徃行役念前程讌游睽
舊賞征軺星乍動江信潮應上煙水飛一帆霜
風搖五兩紛紛別袂舉切切離鴻響後會杳何
時悠然勞夢想

餘干贈別張二十二侍御

蕪城陌上春風別干越亭邊歲暮逢驅車又愴
南北路迤照寒江千萬峯

雜言賦得風送崔秀才歸白田限三五

六七言 暄序

響深澗思啼猿閣入蘋洲暖輕隨柳陌暄澹蕩
乍飄雲影芳菲遍發花源寂寞春江別君處和
煙帶雨送征軒

雜言同用離騷體送旅評事襄陽觀省

黯離堂兮日晚儼壺觴以送遠遠水霽兮微明
杜蘅秀兮白芷生波泫泫兮烟幕幕凝暮色於
空碧紛離念兮隨君泝九江兮經七澤君之去

兮不可留五采裳兮木蘭舟

嶺上逢久別者又別

十年曾一別征路此相逢馬首向何處夕陽千
萬峯

贈別表兄韋卿

新讀兵書事護羗腰間寶劍映金章少年百戰
應輕別莫笑儒生淚數行

古離別

人生天地間暫若六轡馳天壽既常數奈何生

別離跡當中人域正性日已衰是非千萬境杳靄情
塵滋出門事何常暫別亦難期冉冉歎流景悠悠
限山波盡此一夕歡華罇會前墀鷄鳴東方曙夙
駕臨通達欲出強移步欲留難致辭兩情不得已
念此留何為天明去已遠寂默居人歸入門復上
堂恍恍生驚疑經履同遊處猶言常相隨覽物或
臨盤飜恠來何遲乃知前日歡本為今日悲特此
別後心寧及未見時則知交踈分又又翻易持報
君未別後別後當自知

權文公文集卷第五

權文公文集卷之六

雜詩

早夏青龍寺致齋憑眺感物因書十四

韻寺壁有舅
氏度子詩

曉出文昌宮憩茲青蓮宇潔齋奉明祀憑覽傷
曩古秦為三月火漢乃一杯土詐力自湮淪霸
儀終莽鹵中南橫峻極積翠洩雲雨首夏諒清
和芳陰接塲圃仁祠闕嚴淨稽首洗靈府虛室
僧正禪危梁鷲初乳通莊走聲利結駟乃旁午

觀化復何如剗心信為愈盛時忽過量弱質本
無取靜末環中樞益愧腰下組塵勞期料擻陟
降聊俯僂遺韻留壁間凄然感東武

仲秋朝拜昭陵

清秋壽原上詔拜承吉卜掌讀貞觀書及茲幸
齋沐文皇昔潛耀隋季自顛覆撫運斯順人救
焚非逐鹿神祇戴元聖君父納大禘良將授兵
符直旨調鼎鍊無彊傳慶祚有截也何享育仙馭
凌紫氛神遊弃黃屋方祇護山跡元正陪巖巖

杳杳九峻深沉沉萬靈肅鳥飛田已闢龍去雲
猶簇金氣爽林巒乾岡走崖谷吾皇弘孝理率
土蒙景福擁佑乃清夷威靈諒回復禮承三公
重心愧二卿祿展敬何所伸曾呂芥山木

拜昭陵出城與張秘監閣老同里臨行

別承在史館未歸尋尋清辭輒酬之

仲月當南呂晨裝拜毅林逢君在東觀不得話
離襟策馬緣雲路開緘扣玉音還期繞浹日里
社酒同斟

酬馮監拜昭陵迴途中遇雨見示

之子共乘輶清秋拜上霄寢宮有上霄門曙霞迎風駕

零雨濕迴鑿耳谷行初盡軒臺去漸遙望中猶

可辨耘鳥下山椒

朔旦冬至攝職南郊因書即事

大明南至慶天正朔旦圓丘樂六成文軌盡同

堯曆象齋祠禾備漢公卿星辰列位祥光滿金

石交音曉奏法用更有觀臺稱賀處黃雲捧日瑞

昇平

奉和張監閣老過八陵院題贈杜鄉崔

貞外

崇飾山園孝理深萬方同感聖人心已聞東閣

招從事每向西垣奉德音公府從容談婉婉賓

堦清切景沉沉與君跬步如同舍終日相期此

盍簪

奉和鄭賓客相公攝官豐陵卮從之作

時克鹵簿使

五輅導靈輶千夫象繚垣行宮移曉漏綵仗下

秋原莫究希夷理空懷渙汗恩願神方蹈道傳
聖乃尊尊共祝如山壽俄驚憑几言遐荒七月
會盼蠻百靈奔豹尾從風直鸞旗映日翻塗芻
聯法從營騎肅旌門杳靄虞泉夕淒清楚挽喧
不堪程盡處嗚咽望文園

詹事府宿齋絕句

清齋四體泰白晝一室空摧頰有古樹騷屑多
悲風

和王祭酒太社宿齋不得赴李尚書宅

會戲書見寄

元禮門前勞引望勾龍壇下阻歡娛此時對局
空相憶博進何人更樂輸

酬裴端公八月十五日夜對月見懷

涼夜清秋半空庭皓月圓動搖隨積水皎潔滿
晴天多病嘉期阻深情麗曲傳偏懷賞心處同
望庾樓前

奉和崔閣老清明日候許閣老交直之

際辱裴閣老書招云與考功苗曹長

先城南遊覽獨行口號因以簡贈時

輿以疾故有阻追遊

紫禁宿初迴清明花亂開相招直城外遠遠上
春臺諫曹將列宿幾處期子王深竹與清泉家
家桃李鮮折芳行載酒勝賞隨君有愁疾自無
悖臨風一搔首

和張秘監閣老獻歲過蔣大拾遺因呈
兩省諸公并見示

二賢同載筆又次入新年焚草淹輕秩藏書獸

舊編竹風晴翠動松雪瑞光鮮慶賜行春令從
茲佇九遷

酬崔舍人閣老冬至日宿直省中奉簡
兩掖閣老并見示

令節一陽新西垣宿近臣曉光連鳳沼殘漏近
鷄人白雪飛成曲黃鐘律應均層霄翔迅羽廣
陌駐歸輪清切晨趨貴恩華夜直頻輟才時所

重

九月中楊閣老

分命秩皆真

十月中崔閣老

正除禮部受命前

左掖期連茹南宮愧積薪九

年叨此地迴首倍相親

八月十五日夜瑤臺寺對月絕句

羸女乘鸞已上天仁祠空在鼎湖邊涼風遙夜

滑秋半一望金波照粉田

仁祠寺也見後漢書楚王英傳

夏至日作

璿樞無停運四序相錯行寄言赫曦景今日一

陰生

二月二十七日社兼春分端居有懷簡

所思者

清書開簾坐風光處處生看花詩思發對酒客

愁輕社日雙飛鸞春分百轉鴛所思終不見還

是一含情

甲子歲元日呈鄭侍御明府

萬里煙塵合秦吳遂眇然無人來上國灑淚向

新年世故看風葉生涯寄海田屠蘇聊一醉猶

賴主人賢

七夕

佳期人不見天上喜新秋玉佩霑清露香車渡

淺流東西一水隔迢遞兩年愁別有穿針處微
明月映樓

嘉興九月寄丹陽親故

窮年路岐客西望思茫茫積水曾南渡浮雲失
舊鄉海邊尋別墅愁裏見重陽草露荷衣冷山
風菊酒香獨謔看墜葉遠目遍秋光更羨登攀
處煙花滿練塘

九日北樓宴集

蕭颺秋聲樓上聞霜風漠漠起陰雲不見攜觴
王太守空思落帽孟參軍風吟蟋蟀寒偏急酒
泛茱萸晚易醺心憶舊山何日見併將愁淚共
紛紛

奉陪李大夫九日龍沙宴會

遲字

龍沙重九會千騎駐旌旗水木秋光淨絲桐雅
奏遲煙蕪斂暝色霜菊發寒姿今日從公醉全
勝落帽時

臘日龍沙會絕句

簾外寒江千里色林中樽酒七人期寧知臘日

龍沙會却勝重陽落帽時

嚴陵釣臺下作

絕頂聳蒼翠清湍石磷磷先生晦其中天子不
得臣心靈棲顛氣纓冕猶緇塵不樂禁中卧却
歸江上春潛驅東漢風日使薄者醇焉用侂天
下特此報故人知大賢心不獨私其身弛張
有深致耕釣陶天真柰何清風後擾擾論屈伸
交情同市道利欲相紛綸我行訪遺臺仰古懷
逸民矰繳鴻鵠遠雪霜松桂新江流去不窮山

色凌秋旻入世自今古清輝照無垠

曉發武陽館即事書情

清晨策羸車嘶嘶聞村鷄行將騎吏親日與情
愛睽東風變林樾南畝事耕犁青菰冒白水方
塘接廣畦雜英被長坂野草蔓幽蹊烏鹵成浹
壤枯株發柔莢芳樹鷺命鷄深林麀引麋杳杳
途未極團團日已西哲士務纓并鄙夫戀蓬藜
終當稅塵駕盥濯依春溪

豐城劍池驛感題

龍劍昔未發泥沙相晦藏向非張茂先孰辯斗
牛光神物不自達聖賢亦彷徨我行豐城野慄
慨心內傷

奉使宜春夜渡新塗江陵路至黃蘗館

路上遇風雨作

草草理夜裝涉江又登陸望路殊未窮損期今
已促傳呼戒徒御振轡轉林麓陰雲擁崑端霆
雨當山腹震雷如在耳飛電來照目獸迹不敢
窺馬啼唯務速虔心苦齋禮濡體如沐浴萬竅

相怒號百泉暗奔瀑危梁慮足跌峻坂憂車覆
問我何以然前日受微祿轉知人代事纓組乃
微束向若家居時安枕春夢熟遵途稍已近候
吏來相續曉霽心始安林端見初旭

細柳驛

細柳肅軍令條侯信殊倫棘門乃兒戲從古多
其人神武今不殺介夫如搢紳息駕幸茲地懷
哉竦精神

渭水

呂叟年八十皤然持釣釣意在靜天下豈唯食
營立師臣有家法小白猶尊周日暮駐征策愛
茲清渭流

宮人斜絕句

一路斜分古驛前陰風切切晦秋煙
鈿華新舊共冥冥日暮愁鷓飛野田

敷水驛

空見水名敷秦樓昔事無臨風駐征騎
聊復將髭鬚

朝元閣

繚垣複道上曾霄十月離宮萬國朝
胡馬忽來清蹕去空餘臺殿照山椒

石甕寺

石甕寒泉勝寶井汲人迴挂青絲
縷厨煙半逐白雲飛當晝老僧來灌頂

盤豆驛

盤豆綠雲上古郵望思臺下使人愁
江充得計太子死日暮戾園風雨秋

晚渡揚子江却寄江南親故

反照滿寒流輕舟任搖漾支頤見千里煙景非
一狀遠岫有無中片帆風水上天清去鳥滅浦
迥寒沙漲樹晚疊秋嵐江空翻宿浪宵中千萬
慮對此一清曠廻首碧雲深佳人不可望

新安江路

深潭與淺灘萬轉出新安人遠禽魚淨山深水
木寒嘯起青蘋末吟囑白雲端即事遂幽賞何
必挂儒冠

月夜江行

扣船不得寐浩露青衣襟弥傷孤舟夜遠結萬
里心幽興惜瑤草素懷寄鳴琴三奏月初上寂
寞寒江深

江城夜泊寄所思

客程殊未極艤棹泊迴塘水宿知寒早愁眠覺
夜長遠鐘和暗杵曙月照晴霜此夕相思意搖
搖不暫忘

陪包諫議湖墅路中舉帆

同用
山字

蕭蕭涼雨歇境物望中閑風際片帆去煙中獨
鳥還斷橋通遠浦野墅接秋山更喜陪清興樽
前一解顏

富陽陸路

又入亂峯去遠程殊未歸煙蘿迷客路山菓落
征衣歎石臨清淺晴雲出翠微漁潭明夜泊心
憶謝玄暉

石塘路有懷院中諸公

迴合千峯秉晴光似畫圖征車隨反照候吏暎

寒蕪石瀨侵行逕溪雲拂路隅未酬知己分寧
敢學潛夫

玉山嶺上作

悠悠驅疋馬征路上連崗晚翠深雲竇寒苔淨
石梁荻花偏似雪楓葉不禁霜愁見前程遠空
郊下夕陽

舟行夜泊

蕭蕭落葉送殘秋寂寞寒波急暝流今夜不知
何處泊斷猿晴月引孤舟

曉發桐廬

客路去漫漫桐溪上水難扣船乘曉月欹枕聽
迴灘煙重江楓濕沙平宿鷺寒閑吟試一望疑
在畫屏看

夜汎臨平湖有寄

素彩皓通津孤舟入清曠已愛隔簾看還宜卷
簾望隔簾卷簾當此時惆悵思君君不知

次滕老莊

征途無旅館當晝喜逢君羸病仍留客朝朝掃

白雲

曉

曉風搖五兩殘月映石壁稍稍曙光開片帆在
空碧

晝

孤舟漾暖景獨鶴下秋空安流日正晝淨綠天
無風

晚

古樹夕陽盡空江暮靄收寂寞扣船坐獨生千

里愁

夜

猿聲到枕上愁夢紛難理寂寞深夜寒青霜落

秋水

宿嚴陵

身羈從事驅征傳江入新安泛暮濤今夜子陵
灘下泊自慙相去九牛毛

權文公文集卷之六

權文公文集卷之七

雜詩

奉和韋諫議奉送水部家兄上後書情
寄諸兄弟仍通簡南有親舊并呈兩
省閣老院長

駟牡龍旂慶至今一門儒服耀華簪人望皆同
照乘寶家風不重滿羸金護衣直夜南宮靜焚
草清時左掖深何幸末班陪兩地陽春欲和意
難任

奉和史館張閣老以許陳二閣長愛弟

俱為尚書郎伯仲同時列在南北省

會於左掖因而有詠

伯仲盡時賢平輿與穎川桂枝嘗偏折棣萼更

相鮮丹地晨趨並黃扉夕拜聯豈如分侍從來

就鳳池邊

主客水部二員東西對行二閣老併在左掖也時譜以為分就西垣則具

美相類故戲書未韻

韋賓客宅與諸博士宴集

累抗乞身章湛恩北上庠賓筵徵稷嗣家法自

扶陽簪組歡言久琴壺雅興長陰嵐冒苔石輕

籟韻風篁佩玉三朝貴揮金百慮忘因知臥商

雉豈勝白雲鄉

酬張秘監閣老喜太常中書二閣老與

德輿同日遷官相代之作

時秘書監亦同日拜命

珠樹共飛棲分封受紫泥正名推五字貴仕仰

三珪繼組心知忝

德輿代太常為禮部

霄章事頗齊蓬山

有佳句喜氣在新題

國子柳博士兼領太常博士輒申賀贈

博士本秦官求才帖職難臨風曲臺淨對月壁
池寒講學分陰重齋祠曉漏殘朝衣辨色處雙
綬更宜看

過隱者湖上所居

蝸舍映平湖皤然一魯儒唯將酒作聖不馱谷
名愚兵法窺黃石天官辨白榆行看軟輪起未
可號潛夫

從叔將軍宅薔薇花開太府韋卿有題

壁長句因以和作

環列從容躑躅歸光風駘蕩發紅薇鸞藏密葉
宜新霽蝶遶低枝愛晚暉艷色當軒迷舞袖繁
香滿逕拂朝衣名卿洞壑仍相近佳句新成和
者稀

奉和許閣老霽後慈恩寺杏園看花同

用花字口號

時德與
當直

杏林微雨霽灼灼滿瑤華左掖期先至中園景
未斜含毫歌白雪藉草醉流霞獨限金闈籍支
願啜茗花

奉和陳閣老寒食初假當直從東省往
集賢因過史館看木瓜花寄張蔣二

閣老

晝漏沉沉倦瑣闈西垣東觀閱芳菲
繁花滿樹似留客應為主人休澣歸

晚秋陪崔閣老張秘監閣老苗考功同
遊昊天觀時楊閣老新直未滿以詩

見寄斐然酬和有媿蕪音

方駕遊何許仙源去勝歸縈迴留勝賞
罍酒出塵機泛菊賢人至燒丹姹女飛
步虛清曉籟隱机吸晨暉竹逕琅玕合
芝田沆瀣晞銀鈎三洞字瑤笥六銖衣
麗句翻紅藥佳期限紫微徒然一相望
郢曲和應稀

春日同諸公過兵部王尚書林園

休沐君相近時容曳履過花間留客久
臺上見春多松色明金艾鴛聲雜玉珂
更逢新酒熟相與藉庭莎

與沈十九拾遺同遊棲霞寺上方夜於

亮上人院會宿二首

攝山標勝絕暇日詣想矚縈紆松路深繚繞雲
巖曲重樓廻樹杪古像鑿山腹入遠水木清地
深蘭桂馥層臺聳金碧絕頂摩淨綠下界誠可
悲南朝紛在目焚香入古殿待月出深竹稍覺
天籟清自傷人世促宗雷此相遇偃放從所欲
清論松枝低閑吟茗花熟一生如土梗萬慮相
桎梏未願事潛師窮年此棲宿偶來人境外心
賞幸隨君古殿煙霞夕深山松桂薰巖花點寒

溜石磴掃春雲清淨諸天近
誼塵下界分明僧
康寶月上客沈休文共宿車林夜清猿徹曙聞

棲霞寺雲居室

一逕榮紆至此窮山僧盥漱白雲中
閑吟定後更何事石上松枝常有風

天竺寺

香刹西天寺昔遊如夢中
煙蘿迷俗駕猿狖應
山童蕭颯松陰靜欹危石棧通
雲霞棲半壁丹
絳照晴空世累悲何已
心期惜未同相看整歸

花雨夕濛濛

題邵端公林亭

春光何處足柱史有林堂鷺囀風初暖花開日
欲長畎池通舊水掃逕閱新芳更置盈樽酒時
時醉楚狂

題隱者所居

一逕茅茨下千峯麋鹿群鳴妻同懶逸漁父每
知聞日暮烏擇木天陰山出雲此心終不動鼓
腹向堯君

題崔山人草堂

竹徑郊堂接洞天閑持麈尾漱春泉世人車馬
不知處時有歸雲到枕前

徐孺亭馬上口號

并序

鐘陵東湖之南有亭亭中有二碑一則故曲江
張公所製徐徵君碣一則北海李公所製放生
池碑噉夫二君子又隨化往而二文之盛傳於
天下真元初余為是邦從事每將迎郊勞多經
是間且以其尚賢好生皆醇仁之首也因歎不

得與二賢同時論文變損益亭址圯壞苔篆磷
鈇古風如在感舊依然而通馘在側平湖在下
波流轂擊日月無窮因於馬上口號絕句詩一
首以寄愀愴

湖上荒亭臨水開龜文篆字積莓苔曲江北海
今何處盡逐東流去不迴

哭劉四尚書 勒於碑陰

士有昔賢人天朝喪守臣才華推獨步聲氣三
相親理折環中妙儒為席上珍笑言成月旦風

韻挹天真丹地膺推擇青油寄撫循豈言朝
魏翻是臥漳濱命賜龍泉重追榮密印陳撤絃
驚馬物故虬具見家貧年落風悲笛沈瀾涕泣巾
只穿蒿里月非復柳營春黃絹碑文在青松隧
路新音容無處所歸作北邙塵

張工部至薄寒山下有書無由馳報轉
車之至陪切悲懷

書來遠自薄寒山繚繞洮河出古關今日難裁
秣陵報雉歌寥落柳車還

工部發引日屬傷足臥疾不遂執紼

子春傷足日况有寢門哀元伯歸金去無由白
馬來笳簫里巷咽龜筮暮田開片石潺湲淚含
悲叙史才

從事淮南府過亡友楊校書舊廳感念

愀然

故人隨化往倏忽今六霜及我就拘限清風留
此堂松竹逾映蔚芝蘭自銷亡絕絃罷流水聞
笛同山陽頽如冰玉姿粲若鸞鳳章欲翫摧勁
翻先秋落貞芳正平賦鸚鵡文考頌靈光二子
古不吊夫君今何傷黃墟既杳杳玄化亦茫茫
豈必限宿草含悽洒衣裳

哭李晦群崔季文二處士

華封西祝堯貴壽多男子二賢無主後貧賤大
壯齒未成鵠鵠姿遽頽驂駟趾子淵將叔度自
古不得已

觀葬者

塗葛隨晝哭數里至松門貴盡人間禮寧知逝

者魂笳簫出古陌煙雨閉寒原萬古皆如此傷
心反不言

成南陽墓

枯荻沒古基駭鮮蔽豐碑向晚微風起如聞生
嘯時

周平西墓

英威今寂寞陳跡對崇丘壯志清風在荒墳白
日愁窮泉那復曉喬木不知秋歲歲寒塘側無
人水自流

蘇小小墓

萬古荒墳在悠然我獨尋寂寥紅粉盡冥冥黃
泉深蔓草映寒水空郊暖夕陰風流有佳句吟
眺一傷心

題柳郎中茅山故居

下馬荒坵日欲曛潺潺石溜靜中聞鳥啼花落
人聲絕寂寞山窻掩白雲

哭張十八校書

數日前辱書未及
還答俄承凶訃

芸閣為郎一命初桐州寄傲十年餘魂隨逝水

歸何處名在新詩衆不知嗟蛇江浦生華髮牢
落寒原會素車更憶八行前日到舍悽為報秣
陵書

題亡友江畔舊居

寥落留三徑柴扉對楚江蟪蛄集暗壁蜥蜴走
寒窓松蓋歌書愧苔衣上酒缸平生斷金契到
此淚成雙

權文公文集卷之七

權文公文集卷之八

挽詞歌詩

德宗神武孝文皇帝挽歌詞 三首

覆露雍熙運澄清教化源賡歌凝庶績羽舞被
深恩纂業光文祖貽謀屬孝孫恭聞留末命猶
是愛元元

梯航來萬國王帛慶三朝湛露恩方浹薰風曲
正調晏車悲鹵簿廣樂遏簫韶最愴號弓處龍
髯上紫霄

常時栢梁宴玉笋恩波遍今日穀林歸靈輶煙
雨霏喬山森羽衛渭水擁旌旂仙馭何由見耘
田鳥自飛

順宗至德大安孝皇帝挽歌

三首時充
鹵簿使

十葉開昌運三辰麗德音薦功期瘞王昭儉每
捐金解澤皇風遍虞泉白日沉仍聞起居注焚
奏感人心

孝理本憂勤玄功在畱神睿圖傳上嗣壽酒比
家人仙馭三清遠行宮萬象新小臣司吉從還

扈屬車塵

候曉傳清蹕共瞻宮輅出迎風引綵旒遙想望
陵愁弓劔隨雲氣衣冠奉月游空餘駕龍處搖
落鼎湖秋

昭德皇后挽歌詞

淮水源流遠塗山禮命升往年求故劔今夕祔
初陵鸞鏡金波澁翠衣玉彩凝千年子孫慶孝
理在蒸蒸日上

大行皇太后挽歌詞

三首王氏

筮水靈源瀆因山祔禮崇從龍開墜路合壁向
方中帳殿金根出厥衣玉座空唯餘文母化陰
德滿公宮

配禮歸清廟靈儀出直城九虞寧厚載一惠易
尊名曉漏銅壺澁秋風羽翼輕容車攀望處孺
慕切皇情

哀笳出長信嗚咽宮車進寶紉入延津淒涼祠
殿新青烏靈兆久白鷺瑞書頻從此山園夕金
波照玉塵

惠昭皇太子挽歌詞一首

前星落慶霄雄露逐晨暉宮仗黃麾出仙遊紫
府遙空嗟鳳吹去無復鷄鳴朝今夜西園月重
輪更寂寥

東朝聞楚挽羽翮依稀轉天歸京兆新日與長
安遠蘭芳落故殿桂影銷空苑騎吹咽不前風
悲九旗卷

贈文敬太子挽歌詞二首

盤石公封重瑤山贈禮尊歸全祭備物樂善積

深恩鴈沼寒波咽鸞旌夕吹翻唯餘西靡樹千
古灞陵原

銅壺曉漏初羽翣擁塗車方外留鴻寶人間得
善書清笳悲畫綬朱邱散長裾還似緱山駕飄
飄向碧虛

贈鄭國莊穆公主挽歌 二首

追飾崇湯沐遺芳藹禁闈秋原森羽衛夜壑掩
容輝眷藻悲難盡公宮望不歸笳蕭向煙霧疑
是綵鸞飛

舊館閑平陽容車啓壽堂霜凝薜英落風度薤
歌長淑德圖書在皇慈禮命彰淒涼灞川曲壟
樹已成行

贈魏國憲穆公主挽歌詞 二首

漢制榮車服周詩美肅雍禮尊同姓主恩錫大
名封外館留圖史陰堂閑德容眷詞悲薤露千
古仰芳蹤

秦樓曉月殘鹵簿列才官紅綬蘭桂歇粉田風
露寒凝笳悲駟馬清鏡掩孤鸞啓冊徽音在都

人雪涕看

贈梁國惠康公主挽歌詞二首

外館嬪儀貴中參
渚深初笄橫白玉盛服鏤
黃金風度簫聲遠河低
婺彩沉夜臺留冊謚悽
愴即徽音

杳靄異湘川飄颻駕紫煙
鳳樓人已去鸞鏡月
空懸霧濕湯沐地霜凝
脂粉田音容無處所應
在玉皇前

故太尉兼中書令贈太師西平王挽

歌詞

翊戴推元老謀猷合大君
河山封故地金石表
新墳劔復悲長夜笳
簫咽暮雲還經誓師處
薤露不堪聞

故司徒兼侍中贈太傅北平郡王挽歌

詞

授律勲庸盛居中鼎
彝雍和佐時調四氣
宣力靜三河忽訪天
京兆空傳漢伏波
今朝麟閣上偏軫
取情多

奉和禮部李尚書酬楊著作竹亭歌

直城朱戶相邈連
九逵舟轂聞闐春
官自有花源
山貞終日南山當
目前晨樞玉珮趨
溫室暮入竹
溪疑洞天煙消雨
過看不足晴翠鮮
颺逗深谷
獨謠一曲泛流霞
閑對千竿連淨綠
縈迴䟽鑿
隨勝地石磴巖扉
光景異虛齋寂寂
清籟吟幽澗紛紛
雜英墜家承麟趾
貴劍有龍泉賜上
奉明時事無事人
間方外興偏多能
以簪纓狎薜蘿嘗
通內學青蓮偈更
奏新聲白雪歌
風入松雲歸棟鴻
飛滅處猶目送
姍舞閑時夢忽成
蘭臺有客叙交情
反照中林曳履聲
直為君恩催造膝
東方辨色謁承明

奉和張僕射朝天行

元侯重寄貞師律
三郡四封今靜謐
丹轂常思闕下來
紫泥忽自天中出
軍裝喜氣倍超羣
千騎鳴珂入鳳城
周王致理稱申甫
今日賢臣見明主
拜恩稽首紛無已
凝旒前席皇情喜
逢時自是山出雲
猷可還同石投水
昔歲褒衣梁甫

吟當時已有致君心專城一鼓媛氛靜擁旆十
年天澤深日日披誠奉昌運王人織路傳清問
仙醞嘗分玉笋濃御閑更輟金羈駿元正前殿
朝君臣一人負展百福新宮懸絲仗儼然合瑞
氣爐煙相與春萬年枝上東風早珮玉晨趨光
景好塗山已見首諸侯麟閣終當畫元老溫室
沉沉漏刻移退朝賓侶每相隨雄詞樂職波濤
闊曠度交歡雲霧披自古全才貴文武懦夫只
解冠章甫見公抽匣百鍊光試欲磨鉛諒無取

和李中丞慈恩寺清上人院牡丹花歌

澹蕩韶光三月中牡丹偏自占春風時過寶地
尋香徑已見新花出故藪曲水亭西杏園北濃
芳深院紅霞色擢秀全勝珠樹林結根幸在青
蓮域艷藥鮮房次第開含煙洗露照蒼苔龐眉
倚杖禪僧起輕翅縈枝舞蝶來獨坐南臺時共
羨閑行占剎情何已花間一曲奏陽春應為芬
芳比君子

錫杖歌送明楚上人歸佛川

上人遠自西天至頭陀行遍國朝寺口翻貝葉
古字經手持金策聲冷冷護法護身唯振錫石
瀨雲溪深寂寂乍來松徑風更寒遙暎霜天月
成魄後夜空山禪誦時寥寥挂在枯樹枝真法
常傳心不住東西南北隨緣路佛川此去何時
迴應真莫便遊天台

馬秀才草書歌

大理馬
工之二

伯英草聖稱絕倫後來學者無其人白眉年少
未弱冠落紙紛紛運纖腕初聞之子十歲餘當

時時葦皆不如猶輕昔日墨池學未許前賢團
扇書艷彩芳姿相點綴水映荷花風轉蕙三春
併向指下生萬象事分筆端勢有時當暑如清
秋滿堂風雨寒颼颼乍疑崩崖瀑水落又見古
木飢饉愁變化縱橫出新意眼看一字千金貴
憶昔謝安問獻之時人雖見那得知

離合詩贈張監閣老

黃葉從風散暗嗟時節換忽見鬢邊霜勿辭林
下觴躬行君子道身負芳名早帳殿漢官儀巾

車塞垣草交情劇斷金文律每招尋始知蓬山下如見古人心

奉酬禮部閣老轉韻離合見贈秘書監

張薦

移居既同里多幸陪君子弘雅重當朝
旣早見招植根瓊林圃直夜金闈步
勸深子玉銘力競相如賦間闕向春闈
口復想光儀格言信難繼木石強為詞

禮部權侍郎閣老史館張秘監閣老有

離合酬贈之什宿直吟翫聊繼此音

中書舍人崔汾

脉脉羨佳期月夜吟麗詞諫垣則隨步東觀方
承願雪林消艷陽簡冊涌華光坐更芝蘭室千
載各芬芳節苦文俱盛即時仍並命翩翩紫霄
中羽翮相輝映

同前中書舍人楊於陵

校德盡珪璋才臣時所揚放情寄文律方茂經
邦術王獻借發揮卜載契心期晝遊有嘉話書

法無隱辭信茲酬和美言與芝蘭比昨來念吟
繹日覺祛蒙鄙

同前給事中計孟容

史才司秘府文哲今超古亦有擅風騷六聯文
墨曹左賢三代意工藝千金字花識從臣謠入
推仙閣吏如登崑閬時口誦靈真詞孫簡下威
鳳系霜瓊玉枝

同前給事中馮伉

車馬退朝後申懷在文友動詞宗伯雄重美良

史功亦曾吟鮑謝二妙允增價兩好付霜鴻定
天匝樹鳥啼夜覃思各縱橫早擅希代名息心
欲焚硯自覲陪群英

同前戶部侍郎潘孟陽

詠歌有離合求夜觀酬答筭中操絲牋竹簡何
足編意深俱妙絕心契交情結計彼官接聯言
初並清切翔集本相隨羽儀良在斯煙雲競文
藻因喜詠新詩

同前國子司業武少儀

少年慕時彥小悟文多變木鐸比群英八方流
德聲雷陳美交之雨雪音塵繼恩願各飛翔因
詩觀瑰麗傳野絕道賢人希有盛遷早欽風與
雅日詠贈酬篇

春日雪寄上張二十九丈大監請招禮
部權曹長迴文絕句戶部侍郎潘孟
陽

春梅雜落雪發樹幾花開直須盡興飲仁里願
同來

奉酬秘書監張薦

遲遲日氣暖漫漫雪天春知君欲醉飲思見少
交親

酬前

酒杯春醉好飛雪晚庭閑久憶同前賞中林對
遠山

五雜組

五雜組旗亭客往復還城南陌不得已天涯謫
數名詩

一區揚雄宅恬然無所欲二頃季子田歲晏常
自足三端固為累事物反微束四體苟不勤安
得豐殺粟五侯誠暉煒榮甚或為辱六翮未騫
翔虞羅乃相觸七人稱作者杳杳有遐躅八桂
挺竒姿森森照初旭九歌傷澤畔怨思徒刻促
十翼有格言幽貞謝浮俗

星名詩

虛懷何所歆歲晏聊懶逸雲翼謝翩翩松心保
貞實風秋景氣爽葉落井逕出陶然美酒酣所

謂幽人吉自當輕尺璧豈復掃一室安用簪進
賢少微斯可必

卦名詩

節變忽驚春臨風騁望頻支頤倦書愧步履整
山中時鳥漸成曲雜芳隨意新曙霞連觀闕綺
陌麗咸泰天地今交泰雲雷背遘屯中孚諒可
樂書此示家人

藥名詩

七澤蘭房千里春瀟湘花落石鱗鱗有時浪白

微風起坐釣藤陰不見人

古人名詩

潘宣秉戎寄衡石崇勢位年紀信不留施張良
自媿樵蘇則為恆瓜李斯可畏不顧榮官尊每
陳豐叟利家林類巖巘負郭躬歛積忌滿寵生
嫌養蒙恬勝智踈鐘皓月曉晚景丹霞異澗谷
永不諼山梁真無累頗符生聲學得展禽尚志
從此直不疑支離踈世事

州名詩寄道士

金蘭同道義瓊簡復芝田平楚白雲合幽崖丹
桂連松峯明愛景石竇納新泉真永南山壽歡
隨萬福延

八音詩

金谷盛繁華涼臺列簪組石崇留客醉綠珠當
座舞絲淚可銷骨冶容竟何補竹林諒賢人滿
酌舞所苦匏居客宴豆儒室貴環堵土鼓與汗
罇頽神則為愈革道當在早謙光斯可取木鴈
才不才吾知養生主

建除詩

建節出王都雄雄大丈夫除書加右職騎吏擁前
驅滿月張繁弱含霜耀鹿盧平明躍駿馭清夜
擊珊瑚定遠功那比平津業乃迂執心思報國
効節在忘軀破膽銷丹浦蟬蛾舞綠珠危冠徒
自愛長轂事應殊成績封千室疇勞使五符收
功輕驃衛致理邁黃虞開濟今如此英威古不
侔閉關草玄者無乃誤為儒

六府詩

金疊映玉俎賓友紛宴喜木蘭泛方塘桂酒啓
皓齒水榭臨空迥酣歌當座起火雲散竒峯瑤
瑟韻清徵土梗乃虛論康莊有逸軌穀成一編
書談笑佐天子

三婦詩

大婦刺繡文中婦縫羅裙小婦無所作嬌歌遏
行雲文人且安座金爐香正薰

安語

巖巖五岳鎮方輿八極廓清氛禳除揮金得謝

歸里問象床角枕支體舒

危語

被病獨行逢乳虎狂風駭浪失棹櫓舉人看榜
聞曉鼓孳夫孽子遇妬母

大言

華嵩為珮河為帶南交北朔跬步內搏鵬作腊
巨鰲鱠伸舒軼出元氣外

小言

醯雞伺晨駕蚊翼毫端棘刺分畛域蛛絲結構

聊廕息蟻垤崔嵬不可陟

權文公文集卷之八

權文公文集卷之九

雜詩歌曲

雜詩 五首

婉彼羸氏女吹簫偶簫史綵鸞駕非煙綽約兩
僊子神期諒交感相顧乃如此豈比成都人琴
心中夜起陽臺巫山上風雨忽清曠朝雲與遊
龍變化千萬狀魂交復目斷縹緲難比况蘭澤
不可親凝情坐惆悵

淇水春正綠上宮蘭茝齊光風兩搖蕩鳴珮出

中閨一顧授橫波千金呈瓠犀徒然路傍子
况復淒淒

碧樹泛鮮飈玉琴含妙曲佳人掩鸞鏡婉婉凝
相矚文桂映束素香黛宜暎暎寂寞遠懷春何
時來比目

含顰倚瑤瑟丹慊結繁慮失身不自還萬恨隨
玉筯靡蕪山下路團扇秋風去君看心斷時猶
在目成處

廣陵詩

廣陵寔佳麗隨季此為京八方稱輻湊五達如
砥平大旆映空色笳簫發連營曾臺出重霄金
碧摩顛清交馳流水轂迥接浮雲覺青樓旭日
暎綠野春風晴噴玉光照地顰蛾價傾城燈前
牙巧笑陌上相逢迎飄颻翠羽薄掩映紅儒明
蘭麝遠不散管絃閑自清曲士守文墨達人隨
性情茫茫竟同盡冉冉將何營且申今日歡莫
務身後名肯學諸儒輩書憲誤一生

古意

家人強進酒酒後能忘情持杯未飲時衆感紛
已盈明月照我房庭柯振秋聲空庭白露下枕
席涼風生所思萬里餘水闊山縱橫佳期憑夢
想未曉愁鷄鳴願將一心人當年歡樂平長進
映玉姐素手彈秦箏曼睇主巧笑惠音激淒清
此願良未果永懷空如醒

雜言和常州李員外副使春日戲題十

首并序

序闕

隨風柳絮輕映日杏花明無奈花深處流鶯三

數聲蘭橈盡舸轉花塘水映風搖路漸香任興
不知行近遠更憐微月照鳴榔

簷前曉色警雙鷺戶外春風舞百花粉署可憐
閑對此唯令碧玉泛流霞

枕上覺窓外曉法朝光驚曙鳥花墜露滿芳沼
柳如絲風裏裏佳期遠相見少試一望魂杳眇閑
庭無事獨步春輝韶光滿日落蕊盈衣芳樹交
柯文禽並飛婉彼君子悵然有違對酒不飲橫
琴不揮不揮者何知音誠稀江春好遊衍處處

芳菲積綠舫入花津香車依柳陌綠楊煙裏裏
紅藥鶯寂寂如何愁思人獨與風光隔曙月漸
到窓前移樽更就芳筵輕吹乍搖蘭燭春光暗
入花鈿絲竹偏宜靜夜綺羅共占韶年不遣通
霄盡醉定知辜負風煙

露洗百花新簾開月照人綠窓銷暗燭蘭逕掃
清塵雙鶯頻驚夢三桃競報春相思寂不語珠
淚灑紅巾

雨歇風輕一院香紅芳綠翠接東牆春衣試出

當軒立定被隣家暗斷腸

春風半春光遍柳如絲花似霰歸心勞夢寐遠
目傷遊眄可惜長安無限春年年空向江南見

相思曲

少小別潘郎嬌羞倚畫堂有時裁尺素無事約
殘黃鵲語臨粧鏡花飛落繡床相思不解說明
月照空房

古樂府

光風澹蕩百花吐樓上朝朝學歌舞身年二八

壻侍中幼妹承恩兄尚主綠窻珠箔繡鴛鴦侍
婢先焚百和香嬰啼日出不知曙寂寂羅幃春
夢長

渡秋江怨二首

秋江平秋月明孤舟獨夜萬里情萬里情相思
遠人不見兮淚滿眼

渡秋江兮渺然望秋月兮嬋娟色如練萬里遍
我有所思兮不得見不得見兮露寒水深耿遙
夜兮傷心

秋閨月

三五二八月如練海上天涯應共見不知何處
玉樓前乍入深閨玳瑁筵露濃香逕知愁坐風
動羅帷照獨眠初卷珠簾看不足斜抱箜篌未
成曲稍映粧臺臨綺窻遙知不語淚雙雙此時
愁望知何極萬里秋天同一色靄靄遙分陌上
光迢迢對此閨中憶早晚歸來歡讌同可憐歌
吹月明中此夜不堪腸斷絕願隨流影到遼東

薄命篇

昔住邯鄲年尚少只是嬌羞弄花鳥青樓碧紗
大道邊綠揚日暮風裊裊嬋娟玉白二八餘自
憐顏色花不如麗質全勝秦氏女藁砧寧用專
城居歲去年來年漸長青春紅粉全堪賞玉樓
珠箔但閑居南陌東城詎來往韶光日日看漸
遲標梅既落行有時寧知燕趙娉婷子翻嫁幽
并游陝兒年年結束青絲騎出門一去何時至
秋月空懸翡翠簾春幃嬾臥鴛鴦被沙塞經時
不寄書深閨愁獨意何如花前拭淚情無限月
下調琴恨有餘離別苦多相見少洞房愁夢何
由曉閑看雙鷺淚霏霏靜對空床魂悄悄鏡裏
紅顏不自禁陌頭香騎動春心為問佳期早晚
是人人物惣解有黃金

放歌行

夕陽不駐東流急榮名貴在當年立青春虛度
無所成白首銜悲亦何及拂衣西笑出東山君
臣道合俄頃間一言一笑玉墀上變化生涯如
等閑朱門杳杳列華戟座中皆是王侯客鳴環

動珮暗珊珊駿馬花駘白玉鞍十年斟酒不知
貴半醉留賓邀盡歡銀燭煌煌夜將久侍婢金
壘瀉春酒春酒盛來琥珀光暗聞蘭麝幾般香
乍看皓腕映羅袖微聽清歌發杏梁雙環美人
君不見一一皆勝趙飛鸞迎杯乍舉石榴裙勻
粉時交合歡扇未央鐘漏醉中聞驟騎朝天曙
色分雙闕煙雲遙靄靄五衢車馬亂紛紛罷朝
鳴珮驟歸鞍今日還同昨日歡歲歲年年恣遊
讌出門滿路光輝遍一身自樂何足言九族為

榮真可羨男兒稱意須及時閉門下惟人不知
年光看逐轉蓬盡徒詠東山招隱詩

雜言旅館雪晴又覩新月衆興所感因

成雜言

寥寥深夜雪初晴樓上雲開月漸明池中片影
依稀見簾外清光遠近生皎皎晴空疑破鏡廣
庭積素偏相映珠簾卷却光更深玉指持來色
逾淨夢覺青樓最可憐嬋娟素魄滿寒天天地
寥寥同一色秦淮楚江無限極歸鴻斷猿何處

聲深閨旅館遙相憶長安五侯華閣開嘉賓列
座傾金壘賞明月翫流雪織手蛾眉座中設清
歌一聲無斷絕夜已久樂未闌孤裘獸炭不知
寒珠環翠珮聲珊珊履舄紛紛挂袖攢朱顏倚
醉盡君歡人生少年全不久相看且勸盃中酒
丈夫富貴自有期映雪讀書徒白首

玉臺體

嬰啼蘭已紅見出鳳城東粉汗宜斜日衣香逐
上風情來不自覺暗駐五花驄

嬋娟二八正嬌羞日暮相逢南陌頭試問佳期
不肯道落花深處指青樓

隱映羅衫薄輕盈玉腕圓相逢不肯語微笑盡
屏前

知向遼東去由來幾許愁破顏君莫恠嬌小不
禁羞

樓上吹簫罷閨中刺繡闌佳期不可見盡日淚
潸潸

淚盡珊瑚枕魂銷玳瑁床羅衣不忍看羞見繡

鴛鴦

君去期花時花時君不至簷前雙鴛飛落妾相思淚

空閨滅燭後羅幌獨眠時淚盡腸欲斷心知人不知

秋風一夜至吹盡後庭花莫作經時別西隣是宋家

獨自披衣坐更深月露寒隔簾腸欲斷爭敢下階看

夜裙帶解今朝嬉子飛鉛華不可棄莫是薰香歸

萬里行人至深閨夜未眠雙眉燈下掃不待鏡臺前

贈友人時史人新有別恨者

知向巫山逢日暮輕桂玉佩暫淹留曉隨雲雨歸何處還是襄王夢覺愁

舟行見月

月入孤舟夜半晴寥寥霜鴈兩三聲洞房燭影

在何處欲寄相思夢不成

雜興五首

藂鬢愁眉時勢新初筭絕代北方人一顰一笑
千金重肯似成都夜失身

乍聽絲聲似竹聲又疑丹宛九鷗驚金波露洗
淨於晝寂寞不堪深夜情

琥珀樽開月映簾調絃理曲指纖纖含羞歛態
勸君住更奏新聲刮骨益

乳鷺雙飛嬰亂啼百花如繡照深閨新粧對鏡

知無比微笑時時出瓠羣

巫山雲雨洛川神珠襪香膏穩稱身惆悵粧成
君不見含情起立問傍人

權文公文集卷之九

權文公文集卷之十

雜詩

祇役江西路上以詩代書寄內

辛苦事行役風波倦晨暮搖搖結遐心靡靡即
長路別來如昨日每見缺蟾兔潮信催客帆春
光變江樹官遊豈云愜歸夢無復數愧非超曠
姿循此踣促步笑言思暇日規勸多遠度鶉服
我久安荆釵君所慕伊子多昧理初不涉世務
適因擁腫材成此嬾慢趣一身常抱病不復理

章句膏中無町畦與物且多忤既非大川楫則
守南山霧胡為出處間徒使名利污鞿孤望予
祿孩穉待我鋪未能即忘懷恨恨以此故終當
稅鞿鞅豈待畢婚娶如何久人寰俛仰學舉措
衡茅去迢遘水陸兩馳騫晰晰窺曉星塗塗踐
朝露靜聞田鶴起遠見沙鷗聚恠石不易躋急
湍那可泝漁商聞遠岸煙火明古渡下碇夜已
深上碇波不駐畏途信非一離念紛難具枕席
有餘清壺觴無與晤南方出蘭桂歸日自分付

北窻留琴書無乃委童孺春江足魚鴈彼此勤
尺素早晚到中閨怡然兩相顧

夜泊有懷

棲鳥向前林暝色生寒蕪孤舟去不息衆感非
一途川程方浩淼離思紛鬱紆轉枕眼未熟擁
衾淚已濡窘然風水上寢食疲朝晡心想洞房
夜知君還向隅

自桐廬如蘭溪有寄

東南江路舊知名惆悵春深又燭行新婦山頭

雲半歛女兒灘上月初明風前蕩颺雙飛蝶花
裏間關百轉嬰滿目歸心何處說歌眠搔首不
勝情

相思樹

家寄江東遠身對江西春空見相思樹不見相
思人

石楠樹

石楠紅葉透簾春憶得粧成下錦茵試折一枝
含萬恨分明說向夢中人

斗子灘

斗子灘頭夜已深月華偏照此時心春江風水
連天闊歸夢悠揚何處尋

黃蘗館

駘車振楫越山川候曉通宵冒煙雨青楓浦上
菟已銷黃蘗館前心自苦

清明日次弋陽

自歎清明在遠鄉桐花覆水葛溪長家人定是
持新火點作孤燈照洞房

中書夜直寄贈

通籍在金閨懷君百慮迷迢迢五夜永脉脉兩
心齊步履疲青瑣開緘倦紫泥不堪風雨夜轉
枕憶鴻妻

病中寓直代書題寄

愚夫何所任多病感君深自謂青春壯寧知白
髮侵寢興勞善祝踈嬾愧良歲寂寞聞宮漏解
堪直夜心

端午日禮部宿齋有衣服綵結之貺以

詩還荅

良辰當五日偕老祝千年綵縷同心麗輕裾
體鮮寂寥齋晝省疑曲擘香牋更想傳觴處孫
孩遍目前

酬九日

重九共遊娛秋光景氣殊他時頭似雪還對插
茱萸

和九日從楊氏姊遊

秋光風露天令節慶初筵易象家人吉閨門女

士賢招邀菊酒會屬和柳花篇今日同心賞全
勝落帽年

上巳日貢院考雜文不遂赴九華觀祓

禊之會以二絕句申贈

三日韶光處處新九華仙洞七香輪老夫留滯

何由徃珉玉相和正遠身

時以詩美
王為詩題

襖飲尋春興有餘深情婉婉見雙魚同心齊體
如身到臨水煩君便袪除

和九華觀見懷貢院八韻

上巳好風景仙家足芳菲地殊蘭亭會人似山
陰歸丹竈珠綴掩白雲巖逕微真官集女士虛
室涵春輝拘限心杳杳歡言望依依滯茲文墨
職坐與琴觴遠麗曲滌煩虛幽緘發清機支頤
一吟想恨不雙翻飛

桃源篇

小年嘗讀桃源記忽覩良工施繪事巖逕初欣
繚繞通溪風轉覺芬芳異一路鮮雲雜彩霞漁
舟遠遠逐桃花漸入空濛迷鳥道寧知掩映有

人家危眉秀骨爭迎客鑿井耕田人世隔不知
漢代有衣冠猶說秦家變阡陌石髓雲英井且
香仙翁留飮出青囊相逢自是松喬侶良會應
殊劉阮郎內子閑吟倚瑤瑟此沉沉銷未日
忽聞麗曲金玉聲便使老夫思閣筆

新月與兒女夜坐聽琴舉酒

涘涘露凝葉騷騷風入林以茲皓月圓不厭良
夜深列坐屏輕簾放懷絃素琴兒女各冠笄孫
孩遶衣襟乃知大隱趣宛若滄洲心方結偕老
期豈憚華髮侵笑語向蘭室風流傳玉音恨君
袖中字價重雙南金

七夕

今日雲輶渡鵲橋應非脉脉與迢迢家人競喜
開粧鏡月下穿針拜九霄

縣君赴興慶宮朝賀載之奉行冊禮因

書即事

合鸞交歡二十年今朝比翼共朝天風傳漏刻
香車度日照旌旗綵仗鮮願我華簪鳴玉珮看

君盛服耀金鈿相期偕老宜家處鶴髮魚軒更
可憐

元和元年蒙恩封成紀縣伯時室中封

安喜縣君感慶兼懷聊申賀贈

啓土封成紀宜家縣安喜同欣并賦開共受閨
門祉珩璜聯采組琴瑟諧宮徵更待懸車時與
君歡暮齒

河南崔尹即安喜從兄宜于室家四十
餘歲一昨寓書病傳來寫告身既枉

善祝因成絕句

五色金光鸞鳳飛三川墨妙巧相輝尊崇善祝
今如此共待曾玄捧翟衣

奉使豐陵職司鹵簿通霄涉路因寄內
綵仗列森森行宮夜漏深爰鉦方啓路鉦鼓正
交音曙月思蘭室前山辯穀林家人念行役應
見此時心

酬南園新亭宴會璩新第慰慶之作時
任賓客

南亭煙景濃平視中南峯官閑似休沐盡室來
相從日抱漢陰甕或成胡蝶夢樹老欲連雲竹
深疑入洞歡言交羽觴列坐儼成行歌吟不能
去待此明月光好速蘊明識內顧多慙色不厭
梁鴻貧常譏伯宗直予壻信時英諫垣金玉聲
男兒纔弱冠射策幸成名偃放斯自足翛然去
營欲散木固無堪虛舟常任觸大隱本吾心喜
君流好音相期懸車歲此地即中林

七夕見與諸孫題乞巧文

外孫爭乞巧內子共題文隱映花陰對參差綺
席分鵲橋臨片月河鼓掩輕雲羨此櫻兒輩歡
呼徹曙聞

太常寺宿齋有寄

轉枕挑燈候曉鷄相君應嘆太常妻長年多病
偏相憶不遣歸時醉似泥

朝迴閣樂寄絕句

子城風暖百花初樓上龜茲引導車曲罷卿卿
理騶馭細君相望意何如

中書宿齋有寄

銅壺漏滴斗闌干，泛灩金波照露盤。
遙想洞房眠正熟，不堪深夜鳳池寒。

中書送勅賜齋饌戲酬

常日每齊眉，今朝共解頤。
遙知太官膳，應與衆鷓喜。

勅賜長壽酒因口號以贈

恩霑長壽酒，歸遺同心人。
滿酌共君醉，一盃千萬春。

冬至日宿齋時郡君南內朝謁因寄

清齋獨向圓丘拜，盛服相心君興慶。
朝明日一陽生，百福不辭相望阻寒宵。

發峽石路上却寄

莎柵東行五谷深，千峯萬壑雨沉沉。
細君幾日路經此，應見悲翁相望心。

貞元七年蒙恩除太常博士自江東來

朝時與郡君同行，西岳廟停車祝謁。
元和八年拜東都留守，途次祠下追

計前事已二十三年于茲矣時郡君
以疾恙續發因代書却寄

憶昔辛未歲詔書下江壩盡室赴禮官脂車雜

輜駟行役過梁苑淹留經圃田郡君表姊婿元

權理宋君州郡從壻李熱秦關信百二征駕逾

三千仙掌眺蓮峯靈祠謁金天騶馭儼已駐女

巫爭來前動容既紛若展敬方肅然時為女三

能具舉不蹇步入國門華筵首拱祥煙諫曹迨居守

條已十六遷及茲東乘轅二十餘三年盛明受

恩澤清近皆聯翩忽當禮寺重俄忝相印懸陳

力才不任乞骸詞頗堅解龜罷金鼎賜劍猶龍

泉鄙夫何所能實賴中饋賢談笑皆體遠箴規

諒才全拜恩理晨裝詔使來駢闐風生鞍馬疾

日出旌旗鮮信宿歷道途曩遊記周旋暨別亦

不易沉疴今來痊醫方驗桐君道術依竺乾庶

憑神明佑得使疾恙蠲醫工輔氏深於藥清詠

念精至並約同永懷心如悵引望脰已瘳離披

夏雲盡皎鏡秋月圓開絨諷色絲撰日馳平肩

顛

延企勞夢寐涕洟暗潏潏想
給經茲還復申
祝延攝拜奠清醑相期保華韻遠慙周君較聊
擬頌彥先慙懃俟來報浚墨書此篇

權文公文集卷之十

附錄

唐故相權公墓碑

韓文公

上之元和六年其相曰權公諱德輿字載之其
本出自殷帝武丁武丁之子降封於權權江漢
間國也周衰入楚為權氏楚滅徙秦而居天水
略陽符秦之王中國其臣有安丘公翼者有大
臣之言後六世至平涼公文誕為唐上庸太守
荊州大都督長史焯有聲烈平涼會孫諱倕贈
尚書禮部郎中以藝學與蘇源明相善卒官羽
林軍錄事參軍於公為王父郎中生贈太子太

保諱臯以忠孝致大名去官累以官徵不起追
謚貞孝是實生公公在相位三年其後以吏部
尚書授節鎮山南年六十以薨贈尚書左僕射
謚文公公生三歲知變四聲四歲能為詩七歲
而貞孝公卒來弔哭者見其顏色聲容皆相謂
權氏世有其人及長好學孝敬祥順貞元八年
以前江西府監察御史徵拜博士朝士以得人
相慶改左補闕章奏不絕譏排姦佞與陽城為
助轉起居舍人遂知制誥凡撰命詞九年以類

集為五十卷天下稱其能十八年以中書舍人
典貢士拜尚書禮部侍郎薦士於公者其言可
信不以其人布衣不用即不可信雖大官勢人
交言一不以綴意奏廣歲所取進士明經在得
人不以負拘轉戶兵吏三曹侍郎太子賓客復
為兵部遷太常卿天下愈推為鉅人長德時天
子以為宰相宜參用道德人因拜禮部尚書同
中書門下平章事公既謝辭不許其所設張舉
措必本於寬大以幾教化多所助與維匡調娛

不失其正中於和節不為聲章因善與賢不矜
主已以吏部尚書留守東都東方諸帥有利病
不能自請者公常與疏陳不以露布復拜太常
轉刑部尚書考定新舊令式為三十編舉可長
用其在山南河南勤于選付治以和簡人以寧
便以疾求還十三年某月甲子道薨于洋之白
草奏至天子痾傷為之不御朝郎官致贈錫官
居野處上下弔哭皆曰善人死矣其年某月日
葬河南北山在貞孝東五里公由陪屬升列年

除歲遷以至公宰人皆喜聞若已與有無忌嫉
者于頔坐子殺人失位自囚親戚莫敢過門省
頔朝莫敢言者公將留守東都為上言曰頔之
罪既貫不竟宜因賜寬詔上曰然公為吾行諭
之頔以不憂死前後考第進士及庭所策試士
踵相躡為宰相連官與公相先後其餘布處臺
閣外府凡百餘人自始學至疾未病未嘗一日
去書杲觀公既以能為文辭擅聲於朝多銘卿
大夫功德然其為家不視簿書未嘗問有亡費

不侍餘公娶清河崔氏女其父造嘗相德宗號
為名臣既葬其子監察御史璩纍然服喪來有
請乃作銘文曰

權在商周世無不存滅楚徙秦嬴劉之間其泉
始侯以及安丘詆訶浮屠皇極之扶貞孝之生
鳳鳥不至爵位豈多半塗以稅壽考豈多四十
而逝惟其不有以惠厥後是生相君為朝德首
行世祖之文世師之流連六官出入屏毗無黨
無讎舉世莫疵人所憚為公勇為之其所競馳

公絕不窺孰克知之德將在斯刻詩墓碑以求
厥垂

刻權文公集後序

大中丞東阜劉公以古心古學持節鎮蜀之明年經畧整暇百度維新居常允垂意文事日者得唐相權文公集於升菴楊子親挾藻序之刻焉愚觀權公體裁皆精細言華第以相業掩之不震耀於世顧多缺逸而莫之收拾也惜哉或者乃曰權公非蜀產也又非流寓也集刻於蜀也不已汎乎愚曰不然先獻製作美可傳焉雖刻之天下可也矧蜀耶或者又曰文逸矣而存

其目不猶虛器也乎愚曰不然文章顯晦固自有時憐才異代誰無秉彝乃今仍其目而刻之而以購求厥逸望諸來者安知延平津靈物終不有會合時耶使九原有知亦無憾乎人琴之俱亡也秦誓曰人之有技若已有之我公有焉彼已蘇黃而毀其集刻者獨何心哉雖然愚於此竊有感焉周元公曰實勝善也名勝耻也夫實勝如權公異代之下君子論世尚友猶汲汲焉思購其文字之逸不啻如鳳毛麟角向使權

公身勢榮華名勝可耻即有玉珮瓊琚之辭祗資覆瓿耳尚何望身後有揚子雲哉

嘉靖辛丑秋七月朔日後學清江教英謹序

其目不猶虛器也乎愚曰不然文章顯晦固自有時憐才異代誰無秉彝乃今仍其目而刻之而以購求厥逸望諸來者安知延平津靈物終不有會合時耶使九原有知亦無憾乎人琴之俱亡也秦誓曰人之有技若已有之我公有焉彼已心蘇黃而毀其集刻者獨何心哉雖然愚於此竊有感焉周元公曰實勝善也名勝耻也夫實勝如權公異代之下君子論世尚友猶汲汲焉思購其文字之逸不啻如鳳毛麟角向使權公身勢榮華名勝可耻即有玉珮瓊琚之辭祗資覆瓿耳尚何望身後有揚子雲哉

嘉靖辛丑秋七月朔日後學清江教英謹序

律